



17206

kat. komp.

I

Mag. St. Dr.

P

Carus


briclis Epistolarium.

PANEG. et VITAE

Polon. 4<sup>o</sup>

Nr. 919.

Biblioteka Jagiellońska



stdr0002909



EPITHALAMIVM.  
MAGNIFICIS  
Natalibus & virtute præstantibus  
NOVIS SPONSIS.

*Per Illustri & Magnifico Domino,*

D. MARCO STADNICKY

à Zmigrod, Pocillatori terræ Cracoui : &

*Inclytissimæ Heroidi,*

MARINÆ DEBINSKA:

*Per Illustris & Magnifici Domini,*

D. SAMVELIS DEBINSKI  
DE DEBIANY,

Castellani Biecentis, Capitanei Bendżinen-  
sis &c. &c. Filix.

GABRIEL OCHOCKI: *Alma Academia Crac:*  
*Studiosus, submisce offert.* D. D.

CRACOVIAE,

*In Officina ANTONII WOŚINSKI. Anno D. 1620.*





17206I



In Arma Nobilissimæ Domus  
DEBINSIORVM.



*Q*uæ facies rerum nobis hic cernitur, ut quod  
Imperio paret Virginis, vrsa ferox.  
Scilicet integri DEBINSI, & robore fortes  
Sunt, quod præclarè nobile stemma docet.  
O felix Domus illa, o terq; quaterq; beata  
Hæc ubi communi sunt copulata iugo.


In Arma Nobilissimæ Domus  
STADNICIORVM.



**I**st hoc quem cernis fluuio, profluxit abunde  
Insignis pietas in Patriam, inque Deum:  
O fortunatam, tali cum stemmate, gentem,  
Aeterno cuius riuus ab amne fluit,  
Donec in Oceanum magnum sua flumina current  
STADNICIORVM amnis tam diuturnus erit.

Lechiadum





**L** Echiadum non arma canam non bellica facta  
Queis laudē æternam peperere sibi atq; triumphos.  
Dicere nil ad nos Mauortem adamantino amictu


Troico & inspersum quondam vel puluere nigrum  
Merionen: procul hinc absit procul igneus horror  
Thoracum, gladiosque tegat vagina minaces:  
Stent bellatrices Aquilæ, sæuique Dracones,  
Tibia pro lituis & pro clangore tubarum,  
Molle lyra festumq; canant, epulentur ad ipsas  
Excubias, cessent nunc bella ferocia cessent,  
Prælia non, verum socialis festa Hymenæi  
Vis animo insedit, tenui & sponsalia versu  
Decantare, ( etsi Heroum clarissima facta  
Et sanguis generosus opus vincat superetque )  
Quare age quæ cantu sponsalia musa frequentas,  
Huc huc cum Cytharâ dulci, fidibusque canoris  
Accelera, & timidis faueas Saturnia votis.  
Nunc age, festina, thalami quid vota moraris  
Mollis Hymen, Hymenæe, Hymē, Hymē, o Hymenæe  
Tuque Diona veni cui sunt sponsalia curæ,  
Te veniente sacras sponsus consistet ad aras,  
Præsida teque, fidem thalami firmabit honestam.  
Iuppiter alme veni, venias quoque pronuba Iuno





Denique quidquid amæni vnquam fuit, atq; iocorum  
Nunc fortunatum, in mea carmina, ducite gressum.  
Si quos Lechiadum tellus, animi edidit vnquam  
Robore percelebres, si Marte, armisq; potentes,  
Et si consilio insignes, gens Lechica nouit,  
STADNICII cunctos superant, cunctiq; vicissim  
His cedunt, cuncti se se victosq; fatentur;  
Illos consilioq; graues, armisq; potentes  
Extollunt, meritoq; illos encomio adornant.  
Quid memorem nimiam in patriam curam, atq; laborẽ  
Ardent cuius amore, velut scintillat in orbe  
Auricomus Phæbus, postquam sua lumina fundit  
Qui multis se se, & vitam obiectare periclis  
Illius causa haud dubitent, faciantq; libentes,  
Nec caræ vitæ parcant, nec sumptibus vllis.  
Si mihi sint linguæ centum, totidem oraque centum,  
Si vel doctiloqui, dictaret Musa Maronis  
Carmen, & ingenium conferret Naso Poëta:  
Et si Mæonij, facunda Minerua Poëtæ,  
Aut tua lingua disertæ foret mihi, culte Tibulle,  
Tunc quiddam tersas, quod posset vadere in aures  
Concinerem, egregias dotes, laudesq; perennes,  
Queis insigniti, vestri viguere parentes;  
Non opus est multos memorare atauos, proauosq;,  
Quorum nunc viuunt, & viuent nomina magna:  
Vnius meminisse sat est, Heroica facta.





Præclarissimus, æternisq; STANISLAUS ille,  
Temporibus dignus STADNICKI, quem ferus hostis  
Expertus toties, sævis armisque, virisque :  
Cui patriæ sic carus amor fuerat, Decium tu,  
Vel Curium Romanum, Fabriciumque putares,  
Fama quibus Romana stetit. Sic ille perennis  
Viuat & in patriâ narrabitur inclytus istâ  
Cui celebrem peperit famam, nomenque, decusque.  
Atque hinc profluxit celeberrima. Stadniciorum  
Virtus, hoc patrias est deriuatus in ædes  
Fonte amor, hoc quodam veluti deducta Syphone,  
Progeniesque, domusq; perinclita Stadniciorum.  
Qui splendore suo famâ, & virtutis auitæ  
Heroum, summos exequant in patriâ almâ  
Ciues, consilio claros, armisque potentes.  
Ecce tori quærit fociam, clarissimus heros,  
Et gentem sociat magnam, clarissimæ, & omni  
Laudandam seculo, vel posteritate colendam.  
Clara & enim ignorat nullus Debinſcia facta,  
Quorum virtutem testatur patria sola,  
Bellicaque acta, quibus crebras in prælia pugnas  
Commisere, suæ patriæ quis nescit amicos?  
Iustitiæ quis custodes, legumque seueros?  
Nonne paludamenta illis, fascisque curules  
Sunt concessa à principibus, patriæque Polonâ.

*Sed*





Sed quid ego hæc memoro, cum sponsi Heroica facta  
Sufficiat, satis ad laudem vel Virginis almæ  
Dicere virtutes, queis hoc par vsque refulget;  
Non secus ac Phæbus, consurgens splendet Eoo,  
Fulgentes promit radios, in sydera celsa;  
Sic par hoc geminum, quod nunc castissimus ardor  
Consociat, rutilat patriam propriosque penates  
Collustrant, cunctosque hilarant splendore corusco.  
Sed postquam intueor sponsum, mox supprimo gressum  
Nec datur illius laudes, depromere magnas.  
Vos superi appello, venam fluxumque negantes  
Carminis, ecur non conceditis ora diserta,  
Virtutes queis Stadicij celebrare valerem?  
Dii illi diuitias dederunt, artemque fruendi,  
Queis multis habitis, fastu haud inflatur iniquo.  
Sunt ei opes, aurum obtyzum, argentumq; decorum  
Et quascunque niger rubro de littore conchas  
Proximus Indus aquis ab Eois colligit vsque:  
Et tua centenis incumbunt tecta columnis  
Magnaue Niliacæ, seruit tibi gleba Syenes.  
Quodque magis mirum cum istis prædiues abundet  
Donis, haud fruitur solus, largitur at illa,  
His qui sunt tenuis paulo fortunæ & egentes,  
Illi est præsto animus, naturæ illustra dona,  
Scilicet ingenium, & rerum prudentia velox,  
Consilium, & ratio multis exercita rebus.


*Quid*





Quid formā memorē excellentem, quidue venustam?  
Quam natura parens illi concessit abunde  
Hęc tibi, cum à summo modo sint concessa. Tonante  
Non tamen inflaris, neque te vlla superbia vexat.  
Hęc cum possideas memoratu digna perenni,  
Prę reliquis arbitraris nunc te esse minorem.  
Ecquis mentem eius nullis animumque periclis  
Perculsum nescit, fortunę subdere colla  
Nescius, aut vnum fixum immotumque tenere  
Consuevit, neque cum ancipitem sententia vertit;  
Roboris ipsius testes, mentisq; animiq;  
Herculei, sunt orę illę, quas tetra Scytharum  
Infestans rabies, nostros popolare penates  
Aulsa est, inque domos proprias auertere prędas.  
Hic postquam patriam male mulctari audit, omni  
Accurrit studio rebus succurrere lapsis,  
Et tantis proprium caput obiectare periclis  
Ausus, & in Scythicas est se se inmittere turmas.  
Insequitur, trepidosq; pedes, pede feruidus vrget  
Vtq; magis fugiunt, tanto magis instat & ardet  
Et facile asequitur pone atque in terga ruentes;  
Vt facile accipiter, saxo sacer ales ab alto  
Consequitur pentis, sublimem in nube columbam;  
Cornigera aut potius, qualis cum cerua cruentis  
Circumuenta lupis, nullum cui pectore molli  
Robur, & in voluerit tenuis fiducia cui su






Præcipitat suspensa fugam, iam iamq; teneri  
Credit, & elusos audit concurrere morsus.  
Sic Heros præsens fortis velut alter Achilles  
Innumeras acies fugientes vsque Scytharum  
Prosternit, dum aliis gemina inter tempora frontem  
Diuidit, atque aliorum immani vulnere malas  
Collapsosq; artus, atque arma cruenta cerebro  
Infigit, tum mox diffundens partibus æquis  
Huc caput atq; illuc, humero ex utroque pependit  
Profligatque alios cogens obuertere terga.  
Hoc postquam castrorum dux præsesque supremus  
Aduertit, mox STADNICIVM super æthera magnis  
Laudibus extollit, summum patriæque parentem  
Appellat, virtutem amplectens STADNICIORVM.  
O animum inuictum, memorandumq; omnibus ævis  
O defendendæ patriæ curam studiumque!  
Hunc videt ardorem REX Augustissimus, atque  
Maximus, vt qui nunc nostri moderatur habenas  
Regni felici auspicio, videt ex solio almo  
Pro meritis tantis virtutem STADNICII ornans  
Muneribus magnis, donis magnisque coronat.  
Censet enim vt iudex æquus, qui ponderat æqua  
Iustè, esse iniustum meritâ haud decorare coronâ  
Virtutem, semper quæ debita dona requirit.  
O fortunatos ter, tali ex stirpe nepotes,  
Progeniem ô claram de patre suo, incrementa

Quæ






Quæ nostro regno magnisque penatibus olim  
Succrescent, patriæ emolumento, almoque decori.  
Verum ingens oritur virtutum luxque decusque  
Sarmatiam totam illustrans, ex gente profecta  
DEBINS CI, vnde Heros quærit melioribus annis  
Consortem, & casti sociam thalami, ambit & optat,  
Laus tua magne Heros est inclyta, & inclyta magnis  
Est Neonympha suis virtutibus atque perennis,  
Queis alias ita præcellit, formosior vna  
Quantum lenta solent inter viburna cupressi.  
Si formam egregiam spectes, pulcherrima, ferme  
Purpureo similis flori pulcherrima, Nympha.  
Castior ipsa est Penelope, vel Deiopeia  
Pulchrior, & quas ex forma commendat inani  
Græcia, præcellit cunctas candore niuali.  
Qualis in Eurote ripis aut per iuga cinthi  
Exercet Diana choros, quam mille secutæ  
Hinc atque hinc Nymphæ multæ glomerantur at illa  
In medio gradiens Nymphas supereminet omnes  
Quanto & splendidior quam cetera sidera fulget  
Lucifer, & quanto quam Lucifer aurea Phæbe  
Tanto Virginibus præstantior omnibus illa est.  
Cernis ut egregii crines nodentur in aurum.  
Ostro purpurea ut vestis pretiosior omni  
Quam à teneris annis tibi sollicitudine summâ  
Usque huc seruabat clara Heroïna parensque



Purâ virtute instituens, & moribus almis  
Id solum intendens vt spem domuique libique  
Consortem & sponso sponsam nutiret, & inde  
In te aeris animo pietatem insculperet annis.  
Audiuere Dii tua vota ô anxia mater.  
Namque tuum socias clarâ de stirpe creato  
Delicium Heroi, hinc charos, dulcesque nepotes  
Aspicias, & te hoc genero olim rite vocabis  
Felicem, geminabis terque quaterque beatam  
Digna Virago Viro, sed Vir quoque Virgine dignus  
Florentes annis ambo, virtutibus ædem  
Clari, seq; suis semper maioribus æquant.

- O vtinam vobis cedant felicia fata  
Ominibus faustis vtinam omnes Diique Deeq;  
Atque fauens adsit nunc Iuno Gamelia vobis.  
O vtinam vestrâ concors concordia in æde  
Permaneant, procul hinc absit contentio discors.  
Verum quæ exhilarant animos, sint gaudia præsto.  
Quicquid & auriferis diues Tagus aduehit vndis  
Hermus & auratâ radians Pactolus arenâ  
Sit vobis præsto à Diuis hoc postulo supplex  
O vtinam natos vestri generisque domusque  
Spem, videatis diuitiisque bonisque beatos:  
Seculaque ô vtinam viuatis longa, beata  
Tempora viuatis, sine rugâ, fronte serena.  
Iuppiter & vestris luceat in ædibus, & vos





Multipliſei ſemper fecundet, & augeat opto  
Fortunâ: hoc ego ſupplicibus peto poſcoque votis;  
Quod fiet, Cortina etenim non decipit uſquam  
Et verum eſt, quidquid prædixerit, Augur Apollo.

Soli DEO honor & gloria,  
A M E N.



AD



## AD PATREM SPONSÆ.

Det tibi cuncta Deus, Meccœnas, fau-  
sta precanti,

Filiolæ firmet, connubiumq; tuæ:  
Vt videas natā, felici prole parētem,  
Et numeres generi, gaudia mille tui.  
Dignus es vt possis natorum cernere

natos,

Robora DEBINSKY, vel supera-  
re queas.







AD SPONSVM.

Hæc tibi STADNICKY, quæ nubet  
Virgo, Marina

Dicitur, & dotes, quod mare pren-  
dit aquas.

Cinthia sic mediis, vix luce coruscat  
in astris,

Inter vt Heroidas, hæc pietate nitet,  
Quam tua STADNICKY, constan-  
tia, cum sibi iungit,

Stella micat toto, pulchrior vlla  
polo.

